


Mbimwatiir AaBabur

Binib bi jooni tibor tee na

Unibon Aaponbiin Aapiin Pu Na



Unii u gmee kigbang kee na: Edward Hughes

Umomokr: Byron Unger; Lazarus
Alastair Paterson

Unii u gaakii tibornyaan tee na: M. Maillot; Tammy S.

Ubonabr: www.christian-translation.com


Unii u gna kigbang kee na: Bible for Children
www.M1914.org

©2022 Bible for Children, Inc.

Nkaa: Nkaal si ki tii ke aaga gmaa li kpa kigbang kee kigbanpaak
ki ti saa saaga gmean pu na mok.


1

Uwumbor LE NAN na TIWAN momok!
Uwumbor aanan naan njan aaja, Adam na,
uni upuu Eve nan bi Uwumbor aana gaadinn
u tii bi na ponni la. Bi nan kpa mpopiin pam
le ki nan bi nimo pam ki dii Uwumbor aakaal
aamok pu na ki yoor kina nan
saa nwiin mba daal ...




2

“Uwumbør tuk nimi ke ni taa ji isui mòmøk aasubil aa?” Ukuu le baahr Eve mbaahr. Le Eve giihn u ke, “ti ga nmaa ji n̄subil mòmøk, see busub bubaa baanja aasubil le taan nmaa ji ba pu, ti yaa jin bu aasubil bee ti yaa mee bu kan ti ga kpo la.” Waa len kina na, le ukuu ngbaan giihn bi ke, “nhaan kpo!” “Ni ga li gur bi le ke uma Uwumbør na.” Eve mu aakør nan bi busub na aasubil ni le u kii ukuu aa len pu na le ki jin busub gbaan aasubil.



3

Eve aah yii Uwumbør aamøb ki jin lisubil gbaan na le u kel titii uchal Adam le ki tuk umu ukuu aalen pu na le u mu gaa li ki jin lisubil gbaan. Adam ba nan kpa mpaan ke u yii lisubil ki len ke, “maa Ban m yii ndindaan Uwumbør Aamøbɔn.”




4



Adam ni upuu, Eve aatun bakaa ti doo na le binimbi woln le bi kan ke bi si bi n̄meen la. Baakan kina na le bi ban tifar le ki di nab nab tɔb le ki di biin bibaa pu le ki buen ti bɔr ke Uwumbør taa kan bi.


5

Kijook kaanan jook ni sɔŋ na le Uwumbør dan bi chee gaadinn ponni ke u nan malm bi. Uwumbør nan ponn bee ke bi tun bakaa a. Adam nan galn upuu, Eve. Le upuu mu galn ukuu. Le Uwumbør bui bi ke, “mpuuhn lii ukuu pu a. Le upii mu ga wii imarween pam waahr le ki nin maa mbim.” “Adam, saatun bakaa u na pu, mpuuhn ikokon ni tiwambir lii ni dulyaa wee ni le aaga taal ti pu ki ji falaa pam, ki ga naah kitoton pam le ki ti nin kan saawiin aajikaal.”




6

Uwumbør nan nyan Adam ni Eve waagaadinn ponni ki di bi lii nyani baatun tituwambir tina pu. Uwumbør nan chuu gaa waanan tii bi m-moan mu na mòmøk bi chee.



7


Uwumbør nan cha waamijak mu gaal ki ton na jenn nyan bi. Uwumbør di igbain n̄a tiwanpeenkaan tii bi. Uwumbør nan kan la igbain imina?



8


Ni nan yoor ti saa n-yonn mba le Adam ni upuu, Eve maa mbim le ki gur kpa mmaal. Baajan aabo, Cain, nan ye ututuln gaadinn ponni la. Baabo leler, Abel nan ye upikpaal la. Daalbadaal le Cain nan jooni Uwumbor ipiin ki nyani waagaadinn ponni. Abel mu nan jooni

upiih unyuun paa na ki mu nan di tii Uwumbor ipiin. Uwumbor aanimbil ni usui nan gbiin Abel aapiin pam.




9

Uwumbor aasui aanan piir Cain aapiin I u jooni na pu. Liñuul nan chuu Cain pam. Aama, Uwumbor nan tuk u ke, “aayaŋa naah ye ke aa ŋa pu na kan, aadak ke maan gaa si ii?”




10

Cain nan buen ni joo liñuul saakpen le kina nan cha u ti jan unaal kijaak gaadinn ni ki ku u- unaal Abel!




11

Uwumbor nan baah Cain ke, “aanaal, Abel bi la?” Le Cain gii n-nyamon tuk Uwumbor ke, “maanyi” le ki giin baahr Uwumbor ke, “min le ye mmaal aakikiir aa?” Liñuul nan chuu Uwumbor le u daa utafal le ki chuu nyan tikpaal aa nyin mu u di tii u na le u ŋa yoli le ki gur chuun daani.




12

Cain nan nyan foor Uwumbor chee le ki buen niyayan chee. Cain nan ti yoor Adam ni Eve aabisal le ki di ŋa upuu le bi kpaan ki ŋa mmaal mba. Naakpeesiib na, le Cain aayabitiib ni yabisosɔ pɔr le ki gbiin kitiŋ ki ponni bi bi na.




13

Adam ni upuu, Eve aamaal nan muun mala pam. N-yoonn gbaan, binib nan yunni pam.




14

Eve aanan ma ujapoan seth na le u len ke,
 “Uwumbør le tii mi seth ke m di leŋ Abel
 aaleleŋ.” Seth nan ye unii u san Uwumbør ki
 ɲani Uwumbør aaban pu na. Unan jin ibin
 912 le ki nan kpa mbim kipaak.




15

Dandaana aadulyaa u ti gur bi na, baka ni mbinbin yolyol
 wiir pam le Uwumbør mu ɲa waalandak ke u ga bii
 unibøn aabo le Inyoon ni tipeewanbil mòmøk.
 Uwumbør aasui nan bii pam ke u naan unibøn.
 Aama, uja uba le nan ki piir Uwumbør aasui...




16

Uja ngbaan aayimbiil le nan ye Noah. Unan
 ye Seth aamaantol ponni la. Noah nan ye
 uninyaan le kaakpa taani Uwumbør chee. U
 ni Uwumbør le nan bi n-yoonn mòmøk.



17

U nan møk waabim bitaa na mu baa ga li dii
 Uwumbør pu na. Uwumbør nan ɲa waalandak
 ke u ban u di Noah ki di tun lijnjiil atun ni
 ɲitun kpaan ni kisanpaak ponni.



18

Unibøn Aaponbiin Aapiin Pu Na


Tibor tinyani Uwumbør aamoboln ni,
 Uwumbør aagbaŋ ki bi yin Baabur na

ti bi nin ponni

Mpiin 3-6

“Uwumbør aaliin i koo i ti ponni na jooni nwiihn la.
 Ilahn aagbaŋ ɲiyil nkob ni kipiik ni liba, nyakr
 nkob ni moniko ni kipiik.” Ilahn 119:130

19



2

60

20

Baabur aagbaŋ kee bi tuk timi timaawumbor aaye
lijinjiir aawumbor puna aan kinaan mi ni sin ke ti bee u ki li nyi u na.

Uwumbor nyi ke ti tun taani pam, taani u bi yin ke tituwambir na.
Ntafadaan mu si tii tituwambir na le ye nkun, aama, Uwumbor aageehn
saakpiin pu le u tun ni ujaŋbaal Yesu ke u nankpo ndoŋinkoo pu ki gaa
timi aafalaa lii aan kinyan timi tituwambir ponni. Nimina aapoŋob le Yesu
fikir nkun ni ki jon paacham ki buen ute aanaan ni. Kina puna, aaya gaa Yesu
ki kii ki yaa ban chapinn u chee kan, u ga chapinn si saataani momok dulnyaa
wee ni le ki ga kooni aachee ki li bi aaponni le aamu ga li bi u chee ki ti
saa n-yoonn mu kaakpa ndoon na.

Aaya sil gaakii ke tibor tee ye mbamon kan cha ti mee limeel lee tii Uwumbor:
Ndindaan Yesu, m gaakii ke aa sil ye Uwumbor u kpaln unibon aabo ki kpo tii
timaatuwambir pam na aan kifir nkun ni ki gur ye unipoan din aataak na.
Gnaahni kikooni maabinbin ponni aan ki chaa pinn mi maataani momok aan
nimina gma cha m kan mbibinpoan ni limonfarpoan li ga cha m ni sin na li bi
tob chee ki ti saa n-yonn mu kaakpa ndoon na daabadaal na. Ter mi ki
chaa m gmaa dii saamoboln aan ki li bi ke saabo na. Amii.

Kaln Uwumbor aagbaŋ ki cha aani Uwumbor gbaa tabor idaaamok!
John 3:16